



Photo 61

Photo 61
10/10/10
10/10/10
10/10/10
10/10/10

Photo 61
10/10/10
10/10/10
10/10/10
10/10/10

~~Biblioteca Universitaria
GRANADA
Sala A
Cajón 31
Tabla
Número 110~~

~~4
H-25~~

laja 2-65



Comienzan los numeros desde .1. asta 25, y luego vueluen
à començar desde el numero .1.º y como eran se an de
coger.

Optimum of ...
a ...
copy

Del Sr. Pedro de Montenegro

Del Colegio de la Compañía de *Memoriales,* *Sr. de Granada. B.B.C.*

Tratados y varios Papeles, y Decretos Pontificios

en favor del Misterio de la purissima Concepcion de Nuestra S.^a

L.

*Nuevas Cartas de Reyes, Reynas, Princesas
assi Ecclesiasticas, como seculares*

*escritas a los Summos Pontifices en diferentes
ocasiones*

*pidiendo la definicion del misterio de la
Concepcion de Nra Señora*

Tomo Primero.



El Indice de estos Papeles esta en la op. siguiente.

*Notiene papel alguno prohibido
por el ex purgatorio de Ind.^a
o decretos q^e tenemos el of.
an salido hasta el año
de 1724.*

*Labado
sea el S.^a Sacram. y la immaculada
Concepcion de la Virgen Maria nra S.^a
concebida sin pecado Original.*

[Faint, mirrored handwriting, likely bleed-through from the reverse side of the page]

[Faint, mirrored handwriting, likely bleed-through from the reverse side of the page]



[Faint, mirrored handwriting, likely bleed-through from the reverse side of the page]

2

Índice
de los Papeles de este Tomo.



Mr. [unclear] [unclear]
[unclear] [unclear] [unclear]



BREVE SANCTISSIMI D. N. GREGORII PAPAE XV.

Quo, Motu proprio, concedit Fratribus Ordinis Prædicatorum, vt inter se tractare possint de opinione affirmatiua Conceptionis Beatiss. Virginis MARIAE.



GREGORIVS PAPA XV.

Ad futuram rei memoriam.




EXIMII, atque singulares fructus, quos Dilecti filij fratres Ordinis Prædicatorum in militanti Ecclesia cuius regimini Diuina disponente clementia præsidemus, attulerunt, & in dies afferunt, promerentur, vt eosdem fratres, specialibus fauoribus, & gratijs, quantum cum Domino possumus, libenter prosequamur. Alias siquidem scilicet Paulus Papa V. prædecessor noster, post longam, & maturam discussionem, Auditis votis Ven. fratrum nostrorum tunc suorum S. R. E. Cardinalium contra hæreticam prauitatem Generaliū Inquisitorum, re accurate, ac diligenter perpensa, prouidè considerans, quòd quamuis in Const. scilicet. Sixti Papæ IV. etiam prædecessoris nostri, super Conceptione B. Virginis Mariæ, pro submouendis inter Christianos scandalis, rixis, & contentionibus edita, à Sancta Tridentina Synodo innouata, & deinde in alia Constitutione Sanctæ Mem. Pij Papæ Quinti similiter prædecessoris nostri super eadem re, quas idem Paulus prædecessor innouauit cum quibusdam prouisionibus, & adiectionibus poenarum, pro efficaciore earum obseruatione, relinquebatur unicuique libera facultas tenendi, & etiam asserendi vtramque partem, quòd scilicet fuerit, vel non fuerit concepta cū peccato originali, dum tamen neutra veluti erronea, aut hæretica damnaretur. Nihilominus ex occasione assertionis affirmatiuæ in publicis concionibus, lectionibus, conclusionibus, & actibus publicis, quòd eadē B. Virgo fuisset cū peccato originali concepta, oriebantur in populo Christiano, cum magna Dei offensa, scandala, iurgia, & dissentiones. Propterea volens huiusmodi scandalis ex debito sui muneris prouidere, decreuit, & præcepit omnibus, & singulis cuiusuis Ordinis, & instituti regularibus, & alijs quibuscunque tam Ecclesiasticis, quàm secularibus personis cuiusuis conditionis, status, gradus, ordinis, aut dignitatis, tam Ecclesiasticæ, quàm secularis, etiam si specialis, specifica, & indiuidua earum esset necessariò mentio facienda, vt in posterum, donec Articulus huiusmodi à Sancta Sede Apostolica fuisset diffinitus, vel per eundem Paulum prædecessorem, & Sedem Apostolicam fuisset aliter ordinatum, non auderent in publicis concionibus, lectionibus, conclusionibus, & alijs quibuscunque actibus publicis asserere, quòd eadem B. Virgo fuisset concepta cum peccato originali. Contrafacientes autem dictus Paulus prædecessor voluit, & declarauit subiaccere debere, & subiecit censuris, & poenis contentis in supradictis Constitutionibus suorum prædecessorum, & sua, ipso facto incurrendis. Per huiusmodi tamen prouisionem idem Paulus prædecessor non intendit reprobare alteram opinionem, nec ei vllum prorsus præiudicium inferre, eam relinquens in eisdem statu, & terminis, in quibus tunc reperiebatur, præterquàm quo ad supra disposita. Vltèrius sub eisdem censuris, & poenis mandauit, quòd negatiua opinio, videlicet quòd non fuerit concepta cum peccato originali in præfatis publicis actibus asserentes, aliam opinionem non impugnant, nec de ea aliquo modo agerent, seu tractarent. Insuper voluit, & expressè mandauit, vt extra hos casus expressos publicorum actuum, in reliquis omnibus supradictis Constitutionibus firmæ, & illesæ remanerent, & exactè obseruarentur, perinde ac si decretum huiusmodi non emanasset. Nuper verò Nos sub die videlicet 24. Maij 1622. in Congregatione Sanctæ Romanæ, & Vniuersalis Inquisitionis, habita in Palatio Apostolico in Monte Quirinali, coram nobis, & Cardinalibus præfatis, ex eisdem causis euitandi scandala, dissentiones, atque discordias in populo Christiano, quæ pari ratione oriri possunt, & vt accepimus, in aliquibus regionibus iam oriebantur ex sermonibus priuatis occasione assertionis affirmatiuæ, supradictum Pauli prædecessoris Decretum extendimus, & ampliaimus etiam ad priuata colloquia, & scripta, mandantes, & præcipientes omnibus, & singulis supradictis, ne de cætero, donec Articulus huiusmodi à Sede Apostolica diffinitus, vel per Nos, & Sedem Apostolicam fuerit aliter ordinatum, neque etiam in sermonibus, & scriptis priuatis audeant asserere, quòd eadem B. Virgo fuerit concepta cū peccato originali, nec de hac opinione affirmatiua aliquo modo agere, seu tractare, exceptis tamen quibus à Sancta Sede Apostolica fuerit super hoc specialiter indultum. Per hoc tamen non intendimus reprobare hanc opinionem, nec ei vllum prorsus præiudicium inferre, eam relinquentes in eisdem statu, & terminis, in quibus reperitur, præterquam quo ad in supradicto dicti Pauli prædecessoris Decreto disposita. Voluimusq; & expressè mandauimus, vt in reliquis omnibus vbi huiusmodi Decretis non aduersantur Constitutiones Sixti, ac Pij, & Pauli præfatorum, nec non rec. mem. Alexandri Papæ VI. prædecessorum nostrorum, super Conceptione B. Virginis firmæ, & illibatæ remaneant, ac exactè obseruentur, perinde ac si huiusmodi Decretum non emanasset. Et insuper cum S. R. E. De beatissima Virginis Conceptione festum solemniter, & officium celebret, Omnibus, & singulis personis Ecclesiasticis, tam secularibus quàm cuiusuis Ordinis, & instituti Regularibus, mandauimus, ac præcepimus, vt in sacrosancto Missæ sacrificio, ac Diuino officio celebrandis, tam publicè, quàm priuatim, non alio quàm Conceptionis nomine vti debeant. Contrauenientes autem volumus, & declarauimus subiaccere debere, & subiecit, censuris, & poenis contentis in supradictis Constitutionibus, ac præfato Decreto nostrorum prædecessorum, ipso facto incurrènt. Et ita decreuimus, & mandauimus vbiq; inuolubiliter obseruari. Non obstantibus in hac parte Constitutionibus supradictis, Decreto præfato Pauli prædecessoris, consuetudinibus, etiam immemorabilibus, nec non omnibus, & singulis, quæ prædecessores præfati voluerunt non obstare, ac alijs quibuscunque in contrarium facientibus. Volentes, & decernentes, pro obseruatione, & executione nostri huiusmodi Decreti, & omnium in eo contentorum, quòd contra huiusmodi transgressores, etiam Regulares, cuiusuis Ordinis, & instituti, etiam quomodolibet exemptos, & alias quascunque Ecclesiasticas, & seculares personas cuiuscunque status, conditionis, gradus, ordinis, aut dignitatis, tam Ecclesiasticæ, quàm secularis, tam Episcopi, & Prælati superiores, alijq; Ordinarij locorum, quàm hæreticæ prauitatis vbiq; locorum deputati Inquisitores procedant, & in eos seuerè animaduertant. Tribuentes eis, & eorum cuilibet liberam facultatem, & auctoritatem contra eosdem transgressores procedendi, ac poenis coercendi, & puniendi. Nunc autem, Nos eosdem fratres Ordinis Prædicatorum, quos in visceribus gerimus charitatis, specialibus fauoribus, & gratijs prosequi volentes, & eorum singulares personas, à quibusuis excommunicationis, suspensionis, & interdicti, alijsq; Ecclesiasticis sententijs, censuris, & poenis, à iure, vel ab homine quauis occasione, vel causa latis, si quibus quomodolibet innodata existunt, ad effectum præsentium dumtaxat consequendum, harum serie absoluentes, & absolutas fore censentes, Motu proprio, & ex certa scientia, ac matura deliberatione nostris, Omnibus, & singulis dicti Ordinis Prædicatorum fratribus, vt de cætero in quibuscunque priuatis eorum colloquijs, seu conferentijs, inter se dumtaxat, & non inter alios, aut cum alijs, de materia eiusdem Conceptionis B. Mariæ Virginis differere, & tractare, absque vllò poenarum in dictis decretis contentarum incursum, liberè, & licitè possint, & valeant Apostolica auctoritate, tenore præsentium licentiam concedimus, & impartimur. Decernentes fratres præfatos à quoquam quauis auctoritate desuper molestari, perturbari, vel inquietari nullatenus posse, aut debere, sicq; & non aliter per quoscunque Iudices ordinarios, & delegatos, etiam causarum Palatii Apostolici Auditores vbiq; iudicari, & diffiniri debere, ac irritum, & inane si secus super his, à quoquam quauis auctoritate, scienter, vel ignoranter, contigerit attentari. Non obstantibus singulis præmissis, ac Constitutionibus, & Ordinationibus Apostolicis, cæterisq; contrarijs quibuscunque. Dat. Romæ apud S. Mariam maiorem, sub Annulo Piscatoris, die 28. Iulij 1622. Pontificatus Nostri Anno Secundo.

S. Card. S. Susannæ.

Cuenta 318 folios útiles foliados
20 Em.º 1905


319 fol. + fol. 251 à 258 rep. + 317 bis + 27 huj. en bl.
faltan los fol. 278 y 279 (resto compl.)
15 - Mayo - 1912



Handwritten text in red ink, possibly a date or reference number, located at the top of the page. The text is faint and difficult to decipher but appears to include the year '1902'.

A faint purple circular stamp or seal, partially obscured by the torn edge of the paper. The text within the stamp is illegible.





CAJA -2
65